

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03, 65/13) i tačke III Odluke o utvrđivanju uslova i kriterija za imenovanja u regulirane organe („Službene novine Tuzlanskog kantona“ broj: 9/03, 12/03, 7/09, 4/10, 10/10, 14/11, 1/12, 6/12, 8/14, 12/15 i 14/15), Ministarstvo industrije, energetike i rudarstva Tuzlanskog kantona raspisuje

JAVNI OGLAS
za nominiranje kandidata za upražnjene pozicije članova
nadzornog odbora u privrednim društvima sa većinskim državnim kapitalom

I

Objavljuje se javni oglas za nominiranje kandidata za upražnjenu poziciju članova nadzornog odbora u slijedećim privrednim društvima sa većinskim državnim kapitalom:

1. Rudnik soli "Tuzla" d.d. Tuzla - 4 kandidata
2. "Koksno hemijski kombinat" d.d. Lukavac - 2 kandidata

Članovi nadzornog odbora obavljat će poslove propisane Statutom tih društava i Zakonom o privrednim društvima ("Službene novine Federacije Bosne i Hercegovine", broj: 81/15). Konačno imenovane osobe ostvarivat će pravo na naknadu za rad u nadzornom odboru u skladu sa odlukom Skupštine društva.

II

A) Kandidati moraju ispunjavati sljedeće opće uslove:

- da su državljani Bosne i Hercegovine,
- da su stariji od 18 godina a ne stariji od 65 godina,
- da su zdravstveno sposobni za obavljanje poslova na koje se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije objavljivanja upražnjene pozicije,
- da nisu osuđivani za krivično djelo,
- da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti,
- da se na njih ne odnosi član IX.1. Ustava Bosne i Hercegovine,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine («Službene novine Federacije Bosne i Hercegovine», broj: 70/08.)

B) Pored općih uslova, kandidati moraju ispunjavati i sljedeće posebne uslove:

- da imaju završenu višu ili visoku stručnu spremu odgovarajućeg zanimanja odnosno odgovarajući ekvivalent,
- da imaju najmanje 1 /jednu/ godinu radnog iskustva nakon sticanja više, odnosno visoke stručne spreme na poslovima u okviru svog zanimanja, ukoliko posebnim propisom ili opštim aktom nije drugačije propisano,
- da nije član upravnog, izvršnog ili drugog organa političke stranke,
- da nemaju privatni finansijski interes u privrednom društvu u kojem se kandiduju i da nemaju drugih smetnji za imenovanje utvrđenih posebnim propisima,
- da nije član upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja,
- da nije dioničar 50% i više dionica, direktor i član uprave bilo kojeg dioničkog društva kao i

vlasnik sa 50% i više vlasništva, direktor i član uprave bilo kojeg društva sa ograničenom odgovornošću.

- da su prošli odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, („Službene novine F BiH“ broj: 71/09, 33/10, 23/11, 83/11, 2/13, 80/13, 48/15 i 60/16), odnosno da preuzimaju obavezu da usavršavanje obave u roku utvrđenom Uredbom o usavršavanju predsjednika i članova nadzornih odbora i uprava privrednih društava sa većinskim državnim kapitalom.

III

Uz prijavu, kandidati su dužni priložiti:

- CV (biografiju), adresu i kontakt telefon,
- dokaz o školskoj spremi (diploma ili uvjerenje o diplomiranju),
- potvrdu nadležnog organa o radnom iskustvu iz koje je vidljivo da kandidat ima najmanje 1 /jednu/ godinu radnog iskustva nakon sticanja više odnosno visoke stručne spreme na poslovima u okviru svog zanimanja,
- CIPS-ova lična karta (ovjerena fotokopija),
- ovjerenu izjavu da kandidat nije osuđivan za krivično djelo – ne starija od tri mjeseca,
- ovjerenu izjavu da kandidat nije kažnjavan iz oblasti privrednog prestupa i da mu nije izrečena zaštitna mjera zabrane vršenja poziva, djelatnosti ili dužnosti – ne starije od tri mjeseca,
- potvrdu nadležnog organa ili uvjerenje da se protiv kandidata nije vodio disciplinski postupak niti je otpušten iz državne službe kao posljedica disciplinske mjere (dostavljaju kandidati koji su radili ili još uvijek rade u državnoj službi) – ne starije od tri mjeseca,
- certifikat da je kandidat prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno ovjerenu izjavu da preuzimaju obavezu da usavršavanje obavi u roku utvrđenom Uredbom Vlade Federacije BiH,
- ovjerenu izjavu kandidata o ispunjavanju uslova iz tačke II. A) alineja 7. i 8. i tačke II. B) alineja 3., 4., 5., 6. i 7.

Samo kandidati koji budu konačno imenovani dostavljaju uvjerenje o zdravstvenoj sposobnosti.

IV

Dokumenti koji se prilažu uz prijavu na oglas moraju biti originali ili ovjerene kopije.

Kandidati koji uđu u uži izbor bit će pozvani na intervju.

Neblagovremene ili nepotpune prijave neće biti uzete u razmatranje.

Prijavu sa traženom dokumentacijom potrebno je dostaviti u roku od 15 dana od dana poslednjeg objavljivanja oglasa koji će biti objavljen u dnevnom listu „Oslobođenje“ i «Službenim novinama Federacije BiH».

Prijavu sa svim traženim dokumentima dostaviti lično ili preporučenom pošiljkom na adresu:

TUZLANSKI KANTON

Ul. Rudarska broj 57

TUZLA

Za Ministarstvo industrije, energetike i rudarstva Tuzlanskog kantona

sa naznakom: „Prijava na oglas za nadzorni odbor“- „NE OTVARAJ“